

Գաղիկ ԽԱԶԻԿՅԱՆ

ԱՎԵՏԻՍ ԱՀԱՐՈՆՅԱՆԻ ԿՅԱՆՔԸ ԵՎ ՍՏԵՂԾԱԳՈՐԾՈՒԹՅԱՆ ԸՆԴՀԱՆՈՒՐ ԲՆՈՒԹԱԳԻՐԸ

Հայ անվանի գրող Ավետիս Ահարոնյանը /1866-1948/ եղել է Հայ հեղափոխական դաշնակցություն կուսակցության նշանավոր ներկայացուցիչ, Հայաստանի Առաջին հանրապետության խորհրդարանի նախագահ, սփյուռքում ճանաչված հասարակական գործիչ: Խորհրդային Հայաստանում իշխանությունների վարած ներքին ու արտաքին քաղաքականության հանդեպ ուժած քննադատական վերաբերմունքի պատճառով, նրա գեղարվեստական ստեղծագործությունները խորհրդային տարիներին իր հայրենիքում չվերահատարակվեցին և չդարձան ընթերցողների լայն շրջանների համար մատչելի: Ա. Ահարոնյանի գրական ժառանգությունն անցյալում նաև գրականագիտական խոր ու բազմակողմանի վերլուծության չի ենթարկվել:

Արդեն վաղուց է, ինչ հնարավորություն է ստեղծվել իր ապրած ժամանակաշրջանում լայն ճանաչման արժանացած հայ գրողի բազմահատոր ու բազմաժամկետ գրավոր ժառանգությունը հետազոտելու և ըստ արժանավոր գնահատելու համար: Երկար տարիներ գրաղվելով Ա. Ահարոնյանի գրավոր ժառանգության մի կարևոր հատվածի՝ գեղարվեստական արձակի ուսումնափրությամբ՝ մենք համոզվել ենք, որ 19-րդ դարի 80-ական թվականներից մինչև 20-րդ դարի 30-ական թվականները ստեղծագործած հայ գրողի գեղարվեստական մտածողության բազմաժամկետ արգասիքի մեջ գեղարվեստական արձակն ամենաարժեքավորն է: Նրա լավագույն հղացքներն իրենց գեղարվեստական դրսւորումներով ու ենթատերաստով միտված էին դեպի 20-րդ դարի սկզբի համադրական արվեստն ու գեղարվեստական մտածողությունը: Նման նախասիրությունն ի վերջո նպաստել է, որ գրողի ստեղծագործություններում գեղարվեստական ուրույն նրերանգներով ու ընդգրկումներով արտացոլվեն իր ապրած ժամանակաշրջանի ոգու մի շարք էական կողմերը: Նրա լավագույն արձակ երկերում արձարձված գեղագիտական, փիլիսոփայական, հումանիստական, ազգային-քաղաքական, բարոյահոգերանական թեմաները հուզում ու հետաքրքրում են նաև ժամանակակից հայ մարդուն:

Ծանոթանանք նշանավոր գրողի կյանքի ու ստեղծագործության առավել կայուսոր հանօգվաններին: Ա. Ահարոնյանը ծնվել է 1866թ. Սուրմալուի գավառի Խգդիրմալս գյուղում: Հայրը՝ Առաքել, դարձին էր, մայրը՝ Զարդարը՝ գրագետ գեղջկուի: Վերջինս էլ տառածանաչ է դարձնում որդուն: Նախու իրենց գյուղում, ապա՝ Խգդիրի դպրոցում նախնական կրթություն ստանալուց հետո անձնական ընդունակությունների և իր սիրելի ուսուցիչ Խգդիրի դպրոցի տեսուչ Դ. Քալանթարյանի միջնորդությամբ 1881թ. ընդունվում է Էջմիածնի Գևորգյան ծեմարանը (այս շրջանի, ինչպես նաև ընդհանուածին իր մանկության ու պատանեկության մասին գրողը հանգանանորեն պատմել է «Ի՞ն գիրքը» գեղարվեստական ինքնակենսագրության մեջ): 1886թ. ծեմարանում ուսումնառությունն ավարտելուց հետո վերադառնում է հայրենի գյուղ:

1887թ. Թիֆլիսի «Արձագանք» պարբերականի ապրիլի 26-ի համարում տպագրվում է Ահարոնյանի առաջին բոքակցությունը՝ «Նամակ Խգդիրից»: Ըստ էության այս տարվանից էլ սկսվում է նրա գրական-հասարակական գործունեությունը: Կարճ ժամանակով նա վերակացու է աշխատում Էջմիածնի ծեմարանում: Այնուհետև՝ ուսուցիչ է աշխատում Խգդիրի, ապա՝ Նոր Քայազենի ծխական դպրոցներում: Վերադառնում է Խգդիր և մինչև 1896թ. աշխատում որպես դպրոցի ավագ ուսուցիչ: 1894թ.

«Մշակ»-ի մեջ տպագրված «Լուրեր սահմանի այն կողմից» հոդվածաշարի մեջ նա զարականներից, ինչպես նաև այլ աղյուրներից ստացած տեղեկություններից այն եզրակացության է գալիս, որ Թուրքիայի իշխանությունները կոտորածներ են նախապատրաստվում իրականացնել Արևմտյան Հայաստանում: Այս կանխազուշակությունը դժբախտաբար իրականանում է: Նա 1895- 96թթ. կոտորածներից խոյս տվածներին, որոնք զարթել էին Սուրմալուի զավառ /Խզիրմակա, Իգիր/, առաջին օգնությունն է կազմակերպում Խզիրում: Իսկ որոշ ժամանակ անց զարդարանների պատմածների հիման վրա գրում է իր առաջին՝ վավերական ատաղձով ստեղծված գեղարվեստական երկերը («Պուտ-ըմ կա՛ք», «Ֆալագ վորդունի», «Նորածինը», «Փշուր-ըմ խա՛ց», «Բաշոն»): Դրանք տպագրվում են «Մշակ»-ում:

Գրողի կենսագրության մյուս կարևոր դրվագը նրա ուսումնառության շրջանն է Եվրոպայում: 1898 թվականին նա ընդունվում է Լոզանի /Ըվեյցարիա/ համալսարանի պատմափիլիսոփայության բաժինը: Պատմության և փիլիսոփայության դրվագորի աստիճանով այս բարձրագույն կրթական հաստատությանը հրաժեշտ տալուց հետո համաշխարհային գրականության պատմության դասախոսություններ է լսել Փարիզի Սորբոնի համալսարանում: Ուսումնառությանը գուգընթաց նա բեղմնավոր ստեղծագործական գործունեությամբ է զբաղվում: Այդ տարիներին ժնև տեղափոխված Հայ հեղափոխական դաշնակցություն կուսակցության նշանակոր իմբնադիրներից մեկի՝ Ք. Սիրայելյանի հորդորների, ֆիդայական շարժման ու պայքարի մասին նրա կողմից «հում նյութ» տրամադրելու շնորհիվ, գրում և նրա խմբագրած «Դրոշակ» պաշտոնաթերի էջերում տպագրում է «Ազատության ճանապարհին» շարքի առաջին երկերը: Գրում է այլ ստեղծագործություններ, որոնք տպագրվում են Թիֆլիսի հայ մամուլում: Հատկապես գրական առաջ հունձքի տարիներ եղան նրա համար 1900-ական թվականները: Ուսումնառությունն ավարտելուց հետո /1902/ նա զայխ է Թիֆլիս: Աշխատում է «Սուլք»-ի խմբագրությունում: Ժամանակի հայկական պարբերականներում /«Մշակ», «Մուրճ», «Հասկեր»/ և առանձին գրքերով տպագրվում են նրա պատմվածքներն ու վիպակները /«Պատկերներ», 1900, «Խեղմերը» /1902/, «Արագը» /1904/, «Ազատության ճանապարհին» /1906/, «Կյանքի վեպը» /1908/ ժողովածուն, «Մրիկի սուրբը» /1903/, «Լուրջուն» /1904/ վեպերը, ուղեգործուները /«Ըվեյցարական գյուղը», «Բատայիայում», «Դեպի Անի»/:

Ուշագրավ է այն իրողությունը, որ 1904 թվականին Անիի ավերակները դիտելու կապակցությամբ Ահարոնյանը եղել է Ալեքսանդրապոլս: Նա իր տպագրությունները գրի է առել «Դեպի Անի»¹ ուղեգործության մեջ: Գրողը լավ տպագործություն է ստացել քաղաքի արինատավորների բաղամասից, ջերմ խոսքերով է արտահայտվել տեղի բնակչության շրջանում ազգային ավանդույթները պահպանվելու կապակցությամբ: Մեծ բանատեղծ Ավ. Խսահալյանի հետ Անիի ավերակները դիտելու մեկնած գրողը ցավով է նկարագրում անցած ճանապարհին հանդիպած գյուղերի ու գյուղացիների անմիտքար վիճակը: Ի հակադրություն տխոր ներկայի՝ Եվրոպայում բարձր կրություն ստացած ու շրջագայած Ահարոնյանն իր հիացմունքն ու հպարտությունն է արտահայտում Անիի փառահեղ շինությունների ավերակներից ստացած տպագրությունների մասին:

Ահարոնյանն այս շրջանից հանդես է գալիս նաև որպես ճանաչված հասարակական-քաղաքական գործիչ, դաշնակցության ակտիվ անդամներից մեկը: «1901-02-ին մասնակցել է դաշնակցության և հնչակյան կուսակցության միավորման նպատակով նրանց միջև տարբեղ բանակցություններին, 1902-ին՝ համիլյան բռնակալության դեմ

¹ Ա. Ահարոնյան, ժողովածու երկերի, Վենետիկ-Ս. Ղազար, 1948, /Թեհրան, «Արմեն» հրատ./, h. Է, էջ 9-67:

լուղանուր ճակատ կազմելու օսմանյան ընդդիմադիր կուսակցությունների ու կազմակերպությունների առաջին համագումարին: Հայկական պատվիրակության կազմում եղել է Հազարայի/1907/ Խաղաղության կոնֆերանսում, ներկայացրել Հայկ. հարցի լուծման խնդրագիրը²: 1907-09-ին Ա. Սահարոնյանը նշանակվում է Թիֆլիսի Ներսիսյան դպրոցի տնօրեն: Ինչպես որդին է նշում, Սահարոնյանը և Վրաստանի հայոց հոգևոր առաջնորդ Գարեգին արքեպիսկոպոս Սարունյանը ջանքեր են գործադրում և հայ մեծահարուստ Ա. Սահերաշյանի դրամական աշակցությամբ կառուցում են Ներսիսյան դպրոցի նոր շենքը: Այս տարիներին /1905-08քք/ գրել է նաև մանկական պատմվածքներ, որոնք տպագրվել են «Հասկեր» ամսագրում, դրամաներ՝ «Արցունքի հովիտ» /գրվել և թեմադրվել է 1906թ., առանձին գրքով տպագրվել է 1907թ., Բարվում/, «Ուխտվածները», «Սև բոշունը»/1908/, «Պատրանքներ կամ մեռեմները խոսում են»: /Կերպինը Թիֆլիսում թեմադրվել է 1911 թ. դեկտեմբերի 12-ին, առաջին անգամ տպագրվել երևանում լույս տեսնող «Եղբայր» հանդեսի 2003 թ. առաջին համարում, էջ 119 -150/:

1909թ. մայիսին, այսպես կոչված, «գաշնակցության» գործով բազմաթիվ հայ գործիչների հետ բանտարկում են նաև Սահարոնյանին: Նա լինում է Թիֆլիսի, Քարվի, Ռուսուսի, Նովոչերկասկի բանտերում: Ի վերջո ազատվում է 1911թ. և Արևմտյան Հայաստանով, որ առաջին անգամ էր լինում, տեղափոխվում է Եվրոպա և այստեղ ապրում մինչև 1916 թ.: Այս շրջանում է նա գրել «Անդունք», «Խավարի մեջ», «Մոխիրների տակից» վիպակները, ինչպես նաև իր անձնական վերապրումներով պատկերված, ցառական բանտաշխարհն արտացոլող «Սարրազ Խեչոն», «Պարտվածները», «Ծմ բանտը» երկերը: Այս տարիների գործերից ուշագրավ են նաև «Երազներիս աշխարհը» /1910-11/, «Արևմտյան նամակներ», «Թափառումներ - խոհեր» /1913-14/ ուղեգրությունները:

Երբ դադարում են նրա հանդեպ քաղաքական հալածանքները, նա վերադասնում է Թիֆլիս, մասնակցում ազգային հասարակական կյանքի գործընթացներին: 1917թ. ճանաչված գործիչն ու գրողն ընտրվում է Հայոց ազգային խորհրդի նախագահ: Բայց երբ իմնակում է Հայաստանի Սուաջին հանրապետությունը, մի որոշ ժամանակ անց /1919թ./ Սահարոնյանն ընտրվում է նախ՝ խորհրդարանի անդամ, ապա՝ նաև նախագահ: 1919 թ հունիսից նա արդեն խորհրդարանի նախագահի կարգավիճակով էր ղեկավարում Հայաստանի Հանրապետության պատվիրակությունը 1919-1920թթ. Փառիզի հաշտության կոնֆերանսում: 1920թ. օգոստոսի 10-ին ստորագրել է Սկրի հաշտության պայմանագիրը: Մասնակցել է 1921թ. Լոնդոնի կոնֆերանսին, իսկ 1922-23 թթ.՝ Լոզանի կոնֆերանսին: Վերոհիշյալ կոնֆերանսներում իր առաքելության, ինչպես նաև տարրեր երկրների ղեկավարների, ԱՄՆ-ի նախագահ Վ. Վիլսոնի, մի շարք դիվանագետների հետ հանդիպումների մասին նա գրել է իր քաղաքական օրագրում, որը տպագրվել է «Սարդարապատից մինչև Սկրի և Լոզան» վերնագրով /Բուստոն, 1943թ./: Լոզանի կոնֆերանսը վիճացրեց Արևմտյան Հայաստանի տարածքները հայերին վերադարձնելու խնդիրը: Սահարոնյանը, դաշնակցներին և Խորհրդային Ռուսաստանի արտաքին գործերի կոմիսար Գ. Չիչերինին ուղղելով իր բողոքագրերը, հետացավ քաղաքական գործունեության ասպարեզից:

1923թ. հետո նա իմնականում գրադարձ է գրական-ստեղծագործական աշխատանքով, ըստ եռության, հայտնվելով սիյուռքահայ գրականության լինելության գործունքացի մեջ՝ իրքու վտարանդի գրող: Այս շրջանում նրա գեղարվեստական արձակը մի նոր որակ է ձեռք բերում: Լինելով գրական նշանակալի ճանապարհ անցած հեղինակավոր գրող՝ Սահարոնյանն անձանք է հայտնվում սիյուռքահայի կացության ու հոգեվիճակի մեջ: Նա իր արձակ երկերի նոր հերոսներով շարունակում է բացահայտելու ուղղությունում:

² Հայկական հարց: Հանրագիտարան, Եր., 1996, էջ 26:

գեղարվեստորեն մարմնավորել հայ մարդու բարոյահոգերանական յուրահատկությունները: Դիտարկում ու գեղարվեստորեն ամրագրում է ազգային արժեքների, հայրենի ավանդույթների հետ կապի, աշխարհի հետ հայ մարդու բազմազան առնչությունները: Ահարոնյանի այս տարիների ստեղծագործություններն աղերսներ ունեն սիյուռքահայ գրականության «կարոտի» ու «ճահանջի» ուղղությունների հետ: Գրողն իր արձակ գործերում արծարծել է նաև իրեն հետաքրքրող բարոյահոգերանական բազմազան այլ խնդիրներ: Ահարոնյանի սիյուռքան շրջանի ստեղծագործությունների մեջ առանձնանում է Փարիզում լույս տեսած «Բմ գիրքը» ինքնակենսագրական վեպն իր երկու մասերով /«Սանկություն», 1927թ., «Պատանեկություն», 1930թ./: Այս տարիներին գրողի մի շարք փոքրածավալ գեղարվեստական ստեղծագործություններն ու զանազան գրական, պատմագիտական, քաղաքական հոդվածները տպագրվել են հիմնականում Բուստոնի «Հայրենիք» ամսագրի էջերում և առանձին գրքերով: Դրանց թվում են «ճամփորդը»/1926/ ժողովածուի մեջ ամփոփված վիպակները, «Ուսկի հեքիաք» դրամայի մի հատվածը /3-րդ և 4-րդ գործողությունները/ /1938թ., «Հայրենիք», թիվ 3/, «Ծրիստափոր Միքայելյան» /1925/, «Անդրանիկ»/1927/երկերը: Ուշարժան գրականագիտական մշակութարանական հոդվածներից են՝ «Արիական լույսը հայոց աշխարհում» /1925/, «Հայկական հիմն հավատալիքները» /1939/, «Ժաֆֆի», «Կոստան Զարյան», «Տատրագոմի հարսը» /1930/: Նկատենք, որ Կ. Զարյանը 1930 թ. Բուստոնում լույս տեսնող «Հայրենիք» ամսագրում, ապա առանձին գրքով տպագրված իր պոեմը ընծայագրել է «Ա. Ահարոնյանին»: Հայտնի է, որ պոեմի մասին սիյուռքահայ մամուլում հակասական քեր և դեմ կարծիքներ են արտահայտվել: Ահարոնյանն առաջիններից մեկն էր, որ հեղինակի պոեզիայի այս գլուխգործոցի մասին արտահայտվեց դրվատանքով: Տեսավ ավանդական քեմայի ինքնատիպ գեղարվեստական մշակում և արտահայտություն, արևմտահայության դաժան կյանքի մեջ մարդկային հոգու, սիրո պահանջի, օտարի ճնշումների դեմ պայքարելու բարդ ու հակասական վիճակների արտացոլում: Նրան հատկապես գրավում էր բռնակալության դեմ ֆիդայիների հերոսական ընդվանա պատկերումը:

1930թ. սիյուռքահայ գաղթօջախներում լայնորեն նշվեց Ա. Ահարոնյանի գրական-ստեղծագործական գործունեության 40-ամյակը: Այդ մտահղացումն առաջացել էր Փարիզում համախմբված հայ մտավորականների շրջանում դեռևս մեկ տարի առաջ: Հորելյանական կենտրոնական հանձնաժողովի գործադիր մարմնի ատենապետ է ընտրվում Եվրոպական գիտական շրջաններում ճանաշման արժանացած նշանակոր պատմաբան Նիկողայոս Ադրենը: 1930թ. մայիսի 10-ին Փարիզում՝ Սորբոնի համալսարանի հանդիսադրությունների մեծ դահլիճում, տեղի է ունենում գլխավոր միջոցառումը: «Բարիս բուն իմաստով Ֆրանսիայի գրական ողջ ընտրանին, քաղաքական ու պետական շատ գործիքներ, հասարակայնության ներկայացուցիչներ /ֆրանսիացի և հայ/ մասնակիցը դարձան վտարանքի, աստանդական գրողի մեծարանքի այդ հիասքանչ ցույցին: Նիստը բացեց Հորելյանական կենտրոնական հանձնաժողովի գործադիր մարմնի ատենապետ Ն. Ադրենը: Այնուհետև ելույթներ ունեցան ֆրանսիացի և հայ բազմաթիվ բանասացներ: Երեկոն Եզրափակվեց հորելյանական ճոխ համելքով³: Միջոցառումն, անշուշտ, ուներ նաև քաղաքական ենթատեքստ: Եվրոպայի գիտական, մշակութային կենտրոն Ֆրանսիայի մայրաքաղաքում մեծարվում էր իր հայրենիքում՝ Խորհրդային Հայաստանում մերժված ու «արգելված» գրողը: Իր խոսքում Ա. Ահարոնյանը, համեստորեն գնահատելով սեփական գրական վաստակը, սահմանում է իր գրական դավանանքի մարդասիրական եռթյունը, արտահայտում մեծ հավատ դեպի ամայացած հայրենիք հայության դարձի հանդեպ:

³Տես՝ «Գրական թերթ», Ե, 2000, սեպտեմբերի 1-15:

Սիարոնյանի հայրենանվեր, ստեղծագործական բնուսն գործունեությունն ընդհատվում է 1934 թ. փետրվարի 11-ին: Խնչախ վկայում է Վ. Սիարոնյանը, գրողը 1928թ. մի քերև կարված էր ունեցել, և թժիշկները խորհուրդ էին տվել խուսափել երկարատև աշխատանքից ու հոգեկան հոգումներից: Բայց ահա 1934թ. Բեյրութի Հայկական ճեմարանին օգնություն կազմակերպելու համար նա առաջարկում է մի հանդես կազմակերպել Մարտելում, որին խոստանում է անձամբ մասնակցել: Անտեսելով մտերիմների հորդրմեր՝ նա գնում է Մարտել: Այստեղ՝ փետրվարի 11-ին քաղաքի մեծ դահլիճներից մեկում, մոտ երկու հազար հանդիսականների առջև, հայ ժողովրդի և նրա փառահեղ մշակույթի մասին ոգեշունչ ելույթի ժամանակ նա կարվածահար է լինում: Իր խոսքում Սիարոնյանը վստահեցնում էր իր ունկնդիրներին, որ հայ ժողովուրդն իր մշակույթով է կարողացել պահպանել իր ինքնությունը: Բայց մշակույթը լիարժեք կերպով ստեղծվում է հայրենի հողի վրա, ժողովրդի կենսագործունեության միջավայրում: «Եվ այսպես, - ասում է նա, - մշակույթը հայկական գաղութների համար, նա քամք է: Մշակույթը հողից է ծնվում, հողն է կերպարանք, բնություն և դրոշմ տալիս նրան: Մշակույթը ժողովրդին տալիս է լեզու, գեղեցկություն, ծննարտություն: Դարերի ընթացքին մեր ժողովուրդը երկնեց և լույս աշխարհ բերեց անմատչելի գեղեցկություններ, սրբազն և տիտան արժեքներ: Իր ուրախության և վշտի երգերով, սահմովեցուցիչ և անասելի փոթորկների միջից բերեց և միմչև այստեղ հասցեց մեր մշակույթը: Բայց մենք, ցան ու ցրիվ եղած, ո՞ր երկրի մեջ պիտի դնենք այդ ավանդը, հայ մշակույթը: Բայկաններից՝ մեջ, թե՞ Սիոնիքա կամ Ամերիկա: Ո՞չ, միայն ու միայն հայրենիքի մեջ»⁴:

Սիարոնյանը խորհրդահայ վարչակարգի ու նրա ներքին քաղաքականության հանդեպ թեև քննադատաբար էր վերաբերվում, բայց համոզված էր, որ Խորհրդային Հայաստանը հայի հայրենիքի մի մասն է, առանց որի գաղրօշախնների հայությունը չի կարողանա պահպանել իր ազգային դեմքը: Ուստի նա շեշտում էր. «Ժողովուրդ Հայոց, գիտակցիք, որ սպասման վիճակ է այս: Հավատա՛, որ պիտի վերադառնաս քո պապերի, արհարանց քաջերի երկիրը: Եկեղ ենք այստեղ չմնալու համար, եկեղ ենք վերադառնալու համար: Սենք գաղութների մեջ պիտի դառնանք ամրապնդման և զորացման մեկ-մեկ ազգակներ մեր հայրենիքի համար, որ կա Արարատյան Աշխարհի մեջ: Գիտցիք, հայ ժողովուրդ, որ արժեք ես դու և խոսք ունիս ասելու այս նամարդ աշխարհին»⁵: Կարվածահար վիճակում Սիարոնյանն ապրում է ևս 14 տարի՝ այդ ընթացքում առանց ստեղծագործել կարողանալու: 1946 թ. գաղրօշախններում նշվում է նաև գրողի ծննդյան 80-ամյակը: Սիարոնյանը մահացել է 1948 թ. և մեծ շուքով թաղվել Փարիզի Պեր Լաշեզ գերեզմանոցում:

Սիարոնյանը բազմաժանք գրում է: Նա գրել է արձակ, քննարական, դրամատիկական ստեղծագործություններ: 1940-50-ական թվականներին նրա որդու՝ Վ. Սիարոնյանի ջանքերով և «հրատարակիչ հանճնախմբի» աջակցությամբ՝ ճանաչված գրողի ստեղծագործությունները տպագրվում են տասը հաստորոշ: Նույնը 1980-ական թթ. վերահրատարակվում է Թեհրանում: Բայց և այնպես տասնհատորյակը ակնհայտ կերպով չի ընդգրկում գրողի ողջ գեղարվեստական ժառանգությունը: Դրա մի մասը մնացել է ժամանակի հայկական մամուլի էջերում: Սիարոնյանի որոշ ստեղծագործությունները չեն տպագրվել են Վաստակավոր, Ղարիք, Կուրրաք-Հարուն, Ա.Ա., Avesta ծածկանուններով:

Խորհրդային իշխանությունների կողմից համարվելով սովոր պարավանքի արժանի գրող և մտավորական՝ Խորհրդային Հայաստանում նրա ստեղծագործությունները չեն տպագրվել: Հետխորհրդային տարիներին ստեղծված բարենպաստ հանգա-

⁴ Ա. Սիարոնյան, Ժողովածու երկերի, Թեհրան, 1982, հ. 1, էջ 67:

⁵ Ա. Սիարոնյան, Ժողովածու երկերի, Թեհրան, 1982, հ. հ. 1-10:

մանքներում հնարավոր եղավ հրատարակել նրա երկերի մի մասը, ինչը պետք է անբավարար համարել: ճանաչված գրողի գեղարվեստական արձակը «Խավարի մեջ» /1991/ վերնագրով երկիառորանոց ժողովածուով ներկայացնելը, հուսով ենք, այդ գործի լոկ սկիզբը պետք է համարվի: Ա.Ահարոնյանի գրական ժառանգության, մասնավորապես նրա գեղարվեստական արձակի նկատմամբ իրարամերժ, տարամնություն կարծիքներն այսօր հետազոտողին պարտադրում են նախ և առաջ լինել իրատես, քանի որ գրողի ժամանակակիցները և հետնորդները նրան երբեմն դրվագել կամ պարսակել են՝ նաև քաղաքական ու կուսակցական ներդրություններով:

Ա.Ահարոնյանի գեղարվեստական որոշ երկեր /դեռևս նրա կենդանության օրոք/ քարզմանվել են օտար լեզուներով, այդ թվում՝ ֆրանսերեն, ռուսերեն, գերմաներեն, անգլերեն, իտալերեն, չեխերեն, վրացերեն, բուլղարերեն, հունարեն, իսպաներեն:

ЖИЗНЬ И ОБЩАЯ ХАРАКТЕРИСТИКА ТВОРЧЕСТВА АВЕТИСА АГАРОНИЯНА

Резюме

Г. Хачикян

Охарактеризованы тематические, идеологические и художественные особенности творчества знаменитого армянского писателя А.Агароняна, подобающие не оцененного в советский период за свои политические взгляды и деятельность. Представлены важные отрывки из его биографии. Подчеркнуты усилия писателя и государственного деятеля А.Агароняна, приложенные им на пользу своему народу и в политической жизни, и в литературе в первые десятилетия 20-ого века. Упомянуты ценные произведения, созданные им в разных литературных жанрах. Отмечено также на каких иностранных языках и под какими псевдонимами они напечатаны.